

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ

ДОМ НАРОДА

Уставноправна комисија



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

DOM NARODA

Ustavnopravna komisija
Ustavnopravno povjerenstvo

Број: **02/1-50-8-22-12/24**
Sarajevo, 30. 1. 2024.

IZVJEŠTAJ O RADU
USTAVNOPRAVNE KOMISIJE DOMA NARODA
PARLAMENTARNE SKUPŠTINE BOSNE I HERCEGOVINE
ZA PERIOD OD 1. 1. 2023. DO 31. 12. 2023.

Sarajevo, januar 2024.

IZVJEŠTAJ O RADU
USTAVNOPRAVNE KOMISIJE DOMA NARODA
PARLAMENTARNE SKUPŠTINE BiH
ZA PERIOD OD 1. 1. 2023. DO 31. 12. 2023.

S A D R Ž A J

1. Opće naznake	3
2. Poglavlje I. Aktivnosti Ustavnopravne komisije	4
Odjeljak A. Statistički podaci o sjednicama	4
Odjeljak B. Zakonodavne i druge aktivnosti	5
i. Razmatranje prijedloga zakona po članu 99. Poslovnika Doma naroda Parlamentarne skupštine Bosne i Hercegovine (usaglašenost prijedloga zakona sa Ustavom BiH i pravnim sistemom BiH)	5
ii. Razmatranje prijedloga zakona po čl. 99. i 100. Poslovnika Doma naroda Parlamentarne skupštine Bosne i Hercegovine (usaglašenost prijedloga zakona sa Ustavom BiH i pravnim sistemom i principi - faza I)	6
iii. Razmatranje prijedloga zakona po čl. 108 - 113. Poslovnika Doma naroda Parlamentarne skupštine Bosne i Hercegovine (osnovni zakonodavni postupak - postupak u nadležnoj komisiji – faza II)	6
iv. Razmatranje prijedloga zakona po članu 95. stav (6) Poslovnika Doma naroda Parlamentarne skupštine Bosne i Hercegovine (osnovni zakonodavni postupak – inicijativa)	7
v. Razmatranje prijedloga zakona po članu 108. stav (2) Poslovnika Doma naroda Parlamentarne skupštine Bosne i Hercegovine (osnovni zakonodavni postupak – postupak u nadležnoj komisiji – faza II)	7
vi. Razmatranje izvještaja, informacija i delegatskih inicijativa	7
vii. Zaključci Ustavnopravne komisije	9
3. Poglavlje II. Aktivnosti Ureda sekretara Ustavnopravne komisije	9
4. Poglavlje III. Ostale aktivnosti	10
Odjeljak A. Aktivnosti u vezi sa ostalim aktima i odnosima s drugim institucijama	10
Odjeljak B. Međunarodna saradnja	10
5. Poglavlje IV. Zaključna razmatranja	10
PRILOG	12

Na osnovu člana 27. stav (2) Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15 i 53/16), Ustavnopravna komisija Doma naroda Parlamentarne skupštine Bosne i Hercegovine (u daljnjem tekstu: Ustavnopravna komisija) podnosi

IZVJEŠTAJ
O RADU USTAVNOPRAVNE KOMISIJE DOMA NARODA
PARLAMENTARNE SKUPŠTINE BOSNE I HERCEGOVINE
ZA PERIOD OD 1. 1. 2023. DO 31. 12. 2023.

OPĆE NAZNAKE

Ustavnopravna komisija stalna je komisija Doma naroda Parlamentarne skupštine BiH. Njen rad, nadležnosti, uloga i položaj utvrđeni su članom 39. Poslovnika Doma naroda, kojim se ističe sljedeće:

„Član 39.

(Ustavnopravna komisija)

(1) Ustavnopravna komisija:

- a) prati provođenje Ustava BiH;
- b) razmatra pitanja značajna za ustavni poredak Bosne i Hercegovine i daje inicijativu za amandmane na Ustav BiH;
- c) ispituje i dostavlja Domu mišljenja o prijedlozima amandmana na Ustav BiH;
- d) provodi javnu raspravu o prijedlozima amandmana na Ustav BiH ili prijedlozima zakona, te obavještava Dom o rezultatima javne rasprave;
- e) razmatra prijedloge zakona koje Dom treba usvojiti, u vezi s njihovom usklađenošću sa Ustavom BiH i pravnim sistemom BiH, kao i u vezi s pravnom obradom, te Domu podnosi izvještaj s mišljenjem i prijedlozima i pravno-tehničkim ispravkama očiglednih grešaka u tekstu;
- f) razmatra pitanja zakonodavne metodologije i druga pitanja značajna za usklađenost pravno-tehničke obrade akata koje Dom treba usvojiti;
- g) dostavlja mišljenja Ustavnom sudu BiH;
- h) učestvuje u pripremi programa rada iz oblasti zakonodavne aktivnosti Doma;
- i) utvrđuje, zajedno s odgovarajućom komisijom Predstavničkog doma, kada ih i ako ih na to ovlaste oba doma, prijedlog službene verzije prečišćenog teksta zakona i drugih propisa koje usvajaju domovi Parlamentarne skupštine BiH.

(2) Komisija razmatra pitanja koja se odnose na: pravni sistem; izborni sistem; Vijeće ministara BiH; državne praznike; grb, zastavu i državnu himnu BiH; pečat BiH; državnu administraciju; provođenje međunarodnog i domaćeg krivičnog zakonodavstva; te druga pitanja iz nadležnosti Doma koja nisu u nadležnosti drugih komisija.“

Ustavnopravna komisija Doma naroda Parlamentarne skupštine BiH konstituirana je na prvoj sjednici, održanoj 2. 3. 2023. (za mandatni period 2022 - 2026) kada su članovi Ustavnopravne komisije jednoglasno izabrali:

- Marinu Pendeš, za predsjedavajuću Ustavnopravne komisije,
- Sredoja Novića, za prvog zamjenika predsjedavajuće Ustavnopravne komisije,
- Kemala Ademovića, za drugog zamjenika predsjedavajuće Ustavnopravne komisije.

Ostali članovi Ustavnopravne komisije su:

- Snježana Novaković-Buršać,
- Zdenko Čosić i
- Šefik Džaferović.

Sekretar Ustavnopravne komisije je Almir Kardaš, a stručna savjetnica Ivana Šeremet.

Svoj rad Ustavnopravna komisija Doma naroda Parlamentarne skupštine BiH zasnivala je na primjeni brojnih propisa iz međunarodnog i domaćeg prava, od kojih su najvažniji:

1. Aneks IV. Općeg okvirnog sporazuma za mir u Bosni i Hercegovini – Dejtonski sporazum (Ustav BiH);
2. međunarodni dokumenti, navedeni u Aneksu I. Ustava BiH, te dodatni sporazumi o ljudskim pravima koji će se primjenjivati u Bosni i Hercegovini i drugi međunarodni akti;
3. Poslovnik Doma naroda Parlamentarne skupštine BiH („Službeni glasnik BiH“, br. 58/14, 88/15, 96/15 i 53/16);
4. propisi Bosne i Hercegovine iz krivičnog, građanskopravnog i upravnog područja, propisi iz oblasti uređenja rada pravosudnih institucija, organa uprave, upravnih organizacija, te oblasti ravnopravnosti spolova, izbora, izvršenja krivičnih sankcija i sl;
5. Jedinствена pravila za izradu pravnih propisa u institucijama Bosne i Hercegovine („Službeni glasnik BiH“, br. 11/05, 58/14, 60/14, 50/17, 70/17 i 10/21).

POGLAVLJE I. AKTIVNOSTI USTAVNOPRAVNE KOMISIJE

Odjeljak A. Statistički podaci o sjednicama

S ciljem obavljanja svojih aktivnosti, Ustavnopravna komisija je u izvještajnom periodu održala 11 sjednica, a razmatrala 43 tačke dnevnog reda (u prosjeku četiri tačke dnevnog reda po sjednici). Održavajući ove sjednice, aktivnost je usmjerila na brojne oblasti iz svoje nadležnosti, zasnovane na Planu rada za 2023. godinu.

Sjednica	Datum održavanja	Tačaka dnevnog reda	Trajanje sjednice u minutama
1.	2. 3. 2023.	1	10 minuta
2.	27. 3. 2023.	10	75 minuta

3.	12. 4. 2023.	5	40 minuta
4.	30. 5. 2023.	3	45 minuta
5.	15. 6. 2023.	3	40 minuta
6.	24. 7. 2023.	3	90 minuta
7.	29. 8. 2023.	7	45 minuta
8.	5. 9. 2023.	2	60 minuta
9.	3. 10. 2023.	3	15 minuta
10.	22. 11. 2023.	2	45 minuta
11.	27. 12. 2023.	4	15 minuta
UKUPNO	Održanih sjednica: 11	Razmatranih tačkica dnevnog reda: 43	Prosječno trajanje sjednica: 44 minute

Osim zakonodavnih aktivnosti, Ustavnopravna komisija imala je i kontrolnu funkciju. Potrebno je istaći razmatranje informacija, izvještaja, delegatskih inicijativa i drugih akata drugih državnih organa i tijela iz nadležnosti Ustavnopravne komisije.

Najveći obim aktivnosti ostvaren je prilikom priprema i održavanja sjednica, te analizom i usvajanjem prijedloga zakona.

Prosjek prisustva članova sjednicama Ustavnopravne komisije je **90%**.

Prosječno trajanje sjednica Ustavnopravne komisije je **44 minute**.

Odjeljak B. Zakonodavne i druge aktivnosti

Ustavnopravna komisija je u 2023. godini razmatrala određen broj prijedloga zakona, te za njih, nakon provedene procedure, izrađivala mišljenja, izvještaje i obavještenja, i to:

a) Razmatranje prijedloga zakona po članu 99. Poslovnika Doma naroda Parlamentarne skupštine Bosne i Hercegovine (usaglašenost prijedloga zakona sa Ustavom BiH i pravnim sistemom BiH)

1. Prijedlog zakona o dopuni Zakona o osnovama sigurnosti saobraćaja na putevima u Bosni i Hercegovini, predlagač: Predstavnički dom Parlamentarne skupštine BiH, zakon broj: 01-02-1-1904/21 od 9. 6. 2022;

2. Prijedlog zakona o dopuni Zakona o osnovama sigurnosti saobraćaja na putevima u Bosni i Hercegovini, predlagač: Predstavnički dom Parlamentarne skupštine BiH, zakon broj: 02-02-1-687/22 od 29. 7. 2022;
3. Prijedlog zakona o dopuni Zakona o plaćama i naknadama u institucijama Bosne i Hercegovine, predlagač: Predstavnički dom Parlamentarne skupštine BiH, zakon broj: 02-02-1-818/22 od 29. 7. 2022;
4. Prijedlog zakona o izmjenama i dopunama Zakona o ombudsmenu za ljudska prava Bosne i Hercegovine, predlagač: Vijeće ministara BiH, zakon broj: 01,02-02-1-1832/22 od 18. 11. 2022;
5. Prijedlog zakona o graničnoj kontroli, predlagač: Vijeće ministara BiH, zakon broj: 01,02-02-1-2145/22 od 22. 12. 2022, i korigirani tekst, broj: 01,02-02-1-2145-1/22 od 2. 2. 2023;
6. Prijedlog zakona o izmjenama i dopunama Zakona o službi u Oružanim snagama Bosne i Hercegovine, predlagač: Vijeće ministara BiH, zakon broj: 01,02-02-1-607/23 od 10. 3. 2023;
7. Prijedlog zakona o izmjenama Zakona o osnovama sigurnosti saobraćaja na putevima u Bosni i Hercegovini, predlagač: Predstavnički dom Parlamentarne skupštine BiH, zakon broj: 02-02-1-945/23 od 7. 7. 2023;
8. Prijedlog zakona o izmjeni Zakona o porezu na dodatu vrijednost, predlagač: Predstavnički dom Parlamentarne skupštine BiH, zakon broj: 01-02-1-1261/23 od 24. 8. 2023.

b) Razmatranje prijedloga zakona po čl. 99. i 100. Poslovnika Doma naroda Parlamentarne skupštine Bosne i Hercegovine (usaglašenost prijedloga sa Ustavom BiH i pravnim sistemom BiH i principi – faza I. u nadležnoj komisiji)

1. Prijedlog zakona o slobodi pristupa informacijama na nivou institucija Bosne i Hercegovine, P.Z.E.I, predlagač: Vijeće ministara BiH, zakon broj: 01,02-02-1-1031/23 od 30. 5. 2023;
2. Prijedlog zakona o izmjenama i dopunama Zakona o Visokom sudskom i tužilačkom vijeću Bosne i Hercegovine, P.Z.E.I, predlagač: Vijeće ministara BiH, zakon broj: 02-02-1-1424/23 od 1. 8. 2023;
3. Prijedlog zakona o izmjeni Zakona o radu u institucijama Bosne i Hercegovine, predlagač: Predstavnički dom Parlamentarne skupštine BiH, zakon broj: 02-02-1-701/23 od 26. 7. 2023.

c) Razmatranje prijedloga zakona po čl. 108 – 113. Poslovnika Doma naroda Parlamentarne skupštine Bosne i Hercegovine (osnovni zakonodavni postupak – postupak u nadležnoj komisiji – faza II)

1. Prijedlog zakona o slobodi pristupa informacijama na nivou institucija Bosne i Hercegovine, P.Z.E.I, predlagač: Vijeće ministara BiH, zakon broj: 01,02-02-1-1031/23 od 30. 5. 2023;

2. Prijedlog zakona o izmjenama i dopunama Zakona o Visokom sudskom i tužilačkom vijeću Bosne i Hercegovine, P.Z.E.I, predlagač: Vijeće ministara BiH, zakon broj: 02-02-1-1424/23 od 1. 8. 2023;
3. Prijedlog zakona o izmjeni Zakona o radu u institucijama Bosne i Hercegovine, predlagač: Predstavnički dom Parlamentarne skupštine BiH, zakon broj: 02-02-1-701/23 od 26. 7. 2023.

d) Razmatranje prijedloga zakona po članu 95. stav (6) Poslovnika Doma naroda Parlamentarne skupštine Bosne i Hercegovine (osnovni zakonodavni postupak - inicijativa)

1. Prijedlog zakona o izmjenama Zakona o plaćama i naknadama u institucijama Bosne i Hercegovine, predlagač: Predstavnički dom Parlamentarne skupštine BiH, zakon broj: 02-02-1-1051/22 od 29. 7. 2022.

e) Razmatranje prijedloga zakona po članu 108. stav (2) Poslovnika Doma naroda Parlamentarne skupštine Bosne i Hercegovine (osnovni zakonodavni postupak – postupak u nadležnoj komisiji – faza II)

1. Prijedlog zakona o izmjenama Zakona o plaćama i naknadama u institucijama Bosne i Hercegovine, predlagač: Predstavnički dom Parlamentarne skupštine BiH, zakon broj: 02-02-1-1051/22 od 29. 7. 2022.

f) Razmatranje izvještaja, informacija i delegatskih inicijativa

Ova aktivnost ostvaruje se u skladu s članom 39. stav (2) Poslovnika Doma naroda Parlamentarne skupštine Bosne i Hercegovine. Ustavnopravna komisija donijela je mišljenja o sljedećim izvještajima, informacijama i delegatskim inicijativama:

1. Izvještaj o primjeni Jedinostvenih pravila za izradu pravnih propisa u institucijama Bosne i Hercegovine za 2021. godinu, podnosilac: Ministarstvo pravde BiH, broj: 01,02-50-18-1514/22 od 14. 9. 2022;
2. Izvještaj o radu Pravobranilaštva Bosne i Hercegovine za period od 1. 1. 2021. do 31. 12. 2021, podnosilac: Pravobranilaštvo BiH, broj: 01,02-50-18-1579/22 od 27. 9. 2022;
3. Izvještaj o radu Ustavnopravne komisije Doma naroda Parlamentarne skupštine Bosne i Hercegovine za 2022. godinu;
4. Prijedlog orijentacionog radnog plana Ustavnopravne komisije Doma naroda Parlamentarne skupštine Bosne i Hercegovine za 2023. godinu;
5. Izvještaj o radu Vijeća ministara BiH za 2021. godinu, broj: 01,02-50-18-1460/22 od 2. 9. 2022, podnosilac: Vijeće ministara BiH;
6. Godišnji izvještaj Visokog sudskog i tužilačkog vijeća Bosne i Hercegovine za 2022. godinu, podnosilac godišnjeg izvještaja: Visoko sudsko i tužilačko vijeće BiH, broj: 01,02-50-18-1111/23 od 16. 5. 2023;

7. Izvještaj o primjeni Jedinostvenih pravila za izradu pravnih propisa u institucijama Bosne i Hercegovine za 2022. godinu, podnosilac: Ministarstvo pravde BiH, broj: 01,02-50-18-985/23 od 26. 4. 2023;
8. Izvještaj o radu Vijeća ministara BiH za 2022. godinu, broj: 01,02-50-18-1288/23 od 8. 6. 2023, podnosilac: Vijeće ministara BiH;
9. Izvještaj o radu Pravobranilaštva Bosne i Hercegovine za period od 1. 1. 2022. do 31. 12. 2022, podnosilac: Pravobranilaštvo BiH, broj: 01,02-50-18-1986/23 od 15. 9. 2023;
10. Informacija o radu Tužilaštva Bosne i Hercegovine za 2022. godinu, podnosilac informacije: Tužilaštvo BiH, broj: 01,02-09-784/23 od 3. 4. 2023;
11. Izvještaj o provođenju zakona iz nadležnosti Centralne izborne komisije Bosne i Hercegovine u 2022. godini, podnosilac: Centralna izborna komisija BiH, broj: 01,02-50-18-2408/23 od 17. 11. 2023;
12. Izvještaj o provođenju Općih izbora 2022. godine, podnosilac: Centralna izborna komisija BiH, broj: 01,02-50-18-2409/23 od 17. 11. 2023;
13. Inicijativa Ilije Cvitanovića, delegata u Domu naroda, broj: 02-50-6-715/23 od 27. 3. 2023;
14. Inicijativa Zlatka Miletića, delegata u Domu naroda, koja glasi: „I. Obavezuje se Ministarstvo civilnih poslova BiH da odmah, a najkasnije u roku od 30 dana, uplati sredstva planirana u Zakonu o Budžetu institucija BiH i međunarodnih obaveza BiH za 2023. godinu, sa stavke pod rednim brojem 29. Ministarstvo civilnih poslova Bosne i Hercegovine, str. 41 'Grantovi neprofitnim organizacijama - Sufinansiranje sportskih manifestacija', u planiranom iznosu od 600.000,00 KM, Olimpijskom komitetu Bosne i Hercegovine (pripreme - ispunjenje olimpijske norme za Olimpijske igre Pariz 2024), svim sportskim strukovnim savezima BiH, kao i Paraolimpijskom komitetu BiH.
II. Obavezuje se Vijeće ministara BiH da, u skladu sa Zakonom o Budžetu institucija BiH i međunarodnih obaveza BiH za 2023. godinu, sa stavke 'budžetskih rezervi' doznači Ministarstvu civilnih poslova BiH iznos od dodatnih 400.000,00 KM 'Grantu neprofitnih organizacija - Sufinansiranje sportskih manifestacija' (uz obavezu da se doznačena sredstva na osnovu kriterija - programa za vrhunske bosanskohercegovačke sportiste, mlade olimpijske nade, dodijele za pripreme, nastup i nagrade reprezentativnih selekcija ili reprezentativaca Bosne i Hercegovine),
III. Obavezuje se Ministarstvo civilnih poslova BiH da u roku od 60 dana pripremi i u proceduru dostavi Vijeću ministara BiH i Parlamentarnoj skupštini BiH Izmjene i dopune Zakona o sportu u Bosni i Hercegovini ('Službeni glasnik BiH', br. 27/08, 102/09 i 66/16), kojim bi se precizno definirale obaveze institucija Bosne i Hercegovine u kontekstu finansiranja vrhunskog sporta reguliranjem nadležnosti i usvajanjem kriterija za finansiranje koje će imati za cilj napredak i ostvarenje vrhunskih rezultata uz popularizaciju sporta u Bosni i Hercegovini uopće“, podnosilac: Zlatko Miletić, broj: 02-50-6-824/23 od 6. 4. 2023.

g) Zaključci Ustavnopravne komisije

U izvještajnom periodu Ustavnopravna komisija donijela je dva zaključka vezano uz razmatranje materijala i dolazak njihovih podnosilaca na sjednice Ustavnopravne komisije, a koji glase:

1. „Ustavnopravna komisija ubuduće neće razmatrati prijedloge zakona i druge akte koji su predmet razmatranja na dnevnom redu sjednice ako sjednici ne prisustvuje predlagač ili ovlaštenu predstavnik predlagača, osim u izuzetnim situacijama kada to ocijeni opravdanim.

Ustavnopravna komisija smatra potrebnim da sjednicama na kojima se razmatraju prijedlozi zakona iz nadležnosti Vijeća ministara BiH budu prisutni ministar, zamjenik ministra ili pomoćnik ministra.“

2. „Ustavnopravna komisija ubuduće neće razmatrati prijedloge zakona ni druge akte koji su predmet razmatranja na dnevnom redu sjednice čiji je podnosilac Vijeće ministara BiH ako sjednici nije prisutan predlagač ili ovlaštenu predstavnik predlagača.“

POGLAVLJE II.

AKTIVNOSTI UREDA SEKRETARA USTAVNOPRAVNE KOMISIJE

U Uredu sekretara Ustavnopravne komisije (u daljnjem tekstu: Ured sekretara) normirana su radna mjesta: sekretar Ustavnopravne komisije - rukovodeći državni službenik, stručni savjetnik i stručni saradnik. Na kraju izvještajnog perioda, u Ustavnoj komisiji popunjena su dva radna mjesta, i to sekretar Ustavnopravne komisije i stručni savjetnik. Sekretar Ustavnopravne komisije, u saradnji s predsjedavajućim Ustavnopravne komisije, brine o redovnom i blagovremenom razmatranju svih pitanja iz nadležnosti Ustavnopravne komisije, kao i svih pitanja koja Kolegij Doma uputi Ustavnoj komisiji. Sekretar Ustavnopravne komisije brine o blagovremenom organiziranju sjednica Ustavnopravne komisije, javnih rasprava i javnih saslušanja u okviru nadležnosti Ustavnopravne komisije, odnosno sjednica zajedničkih komisija za usaglašavanje zakona koje su usvojili domovi u različitim tekstovima.

Također, sekretar Ustavnopravne komisije brine o blagovremenom razmatranju prijedloga zakona i drugih akata iz nadležnosti Ustavnopravne komisije, u skladu s Poslovníkom Doma naroda, izradi nacrtu mišljenja i izvještaja o materijalima koje razmatra Ustavnopravna komisija, te pruža stručnu pomoć članovima Ustavnopravne komisije prilikom izrade prijedloga zakona, amandmana i drugih akata iz nadležnosti Ustavnopravne komisije. Osigurava sve potrebne informacije i u vezi s materijalima iz nadležnosti Ustavnopravne komisije, te vodi evidenciju o zaključcima i odlukama Ustavnopravne komisije, kao i o zaključcima i odlukama Doma iz nadležnosti Ustavnopravne komisije, te prati njihovu realizaciju i o tome informira Ustavnopravnu komisiju.

Rukovođen Planom i programom rada Ureda sekretara Ustavnopravne komisije Doma naroda PSBiH za 2023. godinu, Ured sekretara pripremao je i analizirao sve zakone koji su bili u

proceduri i druge akte koji nisu zakonodavnog karaktera. Tekstovi pojedinih prijedloga zakona nisu bili usklađeni s Jedinostvenim pravilima za izradu pravnih propisa u institucijama BiH, a neki nisu sadržavali ni sve elemente koje prijedlog zakona mora sadržavati, u skladu s odredbama Poslovnika Doma, što je povećalo potrebu za normativno-tehničkim korekcijama prijedloga zakona.

Ured je, također, uspostavljao saradnju s drugim institucijama, i domaćim i međunarodnim, čije se djelovanje tiče djelovanja Ustavnopravne komisije. Tu su, u prvom redu, saradnja s Misijom OSCE-e u BiH, Transparency Internationalom u Bosni i Hercegovini, Vijećem ministara BiH, tj. ministarstvima, agencijama, direkcijama, Generalnim sekretarijatom Vijeća ministara BiH, Predsjedništvom BiH, VSTV-om BiH, Ustavnim sudom BiH i drugim pravosudnim institucijama. Predstavnici tih institucija su blagovremeno i potpuno ostvarivali međusobnu saradnju u izvještajnom periodu. Na upućene pozive oni su se, uglavnom, redovno odazivali i učestvovali u radu o tačkama koje se odnose na njihov rad.

POGLAVLJE III. OSTALE AKTIVNOSTI

Odjeljak A. Aktivnosti u vezi sa ostalim aktima i odnosima s drugim institucijama

U izvještajnom periodu Ustavnopravna komisija razmatrala je i druge akte koji nisu zakonodavnog karaktera te uspostavljala saradnju s drugim institucijama, čije je djelovanje srodno njenim aktivnostima. Kontinuirana saradnja nastavljena je s Vijećem ministara BiH, naročito s Ministarstvom pravde BiH. Ministri resornih ministarstava, odnosno sekretari ili pomoćnici ministara redovno su prisustvovali sjednicama Ustavnopravne komisije.

U izvještajnom periodu ostvarena je dobra saradnja s poslanicima u Predstavničkom domu i delegatima u Domu naroda, sekretarima domova, sekretarom Zajedničke službe, sekretarima drugih komisija, rukovodiocima sektora i zvaničnicima izvršne i sudske vlasti. Redovno je praćen rad pojedinih komisija i drugih tijela u vezi sa zajedničkim pitanjima, te ostvaren princip međusobne saradnje, ali i zaštite digniteta Doma naroda Parlamentarne skupštine BiH, kako je uređeno Poslovníkom Doma naroda.

Odjeljak B. Međunarodna saradnja

U realizaciji međunarodne saradnje, kao i poslova edukacije na praktičnim pitanjima, s kojima se susreće Ustavnopravna komisija, posebnu pomoć pruža Misija OSCE-a u Bosni i Hercegovini.

POGLAVLJE IV. ZAKLJUČNA RAZMATRANJA

Rad Ustavnopravne komisije u izvještajnom periodu u velikoj mjeri zavisio je od materijala koje je dostavilo Vijeće ministara BiH. Može se konstatirati da je Ustavnopravna komisija blagovremeno razmatrala sve akte iz svoje nadležnosti.

Kako bi aktivnosti Ustavnopravne komisije bile još bolje, a rezultati se mogli kvalitetnije primijeniti, neophodno je sljedeće:

- a) Ustavnopravna komisija usvojiti će svoj orijentacioni radni plan za narednu godinu i realizirati zadatke utvrđene u njemu. Razmatrat će pitanja iz svoje nadležnosti, s ciljem kvalitetnijeg rada i većeg doprinosa zakonodavnom procesu u Bosni i Hercegovini, te je stoga neophodno što prije planirati njen rad;
- b) Ustavnopravna komisija učiniti će dodatne korake u saradnji s drugim komisijama Parlamentarne skupštine BiH, Vijećem ministara BiH, vladinim i nevladinim organizacijama, međunarodnim organizacijama i parlamentima, koji su je ohrabрили u obavljanju kvalitetnog i brzog zakonodavnog procesa i efikasnog nadzora izvršne vlasti, kao preduslova za daljnje evropske integracije;
- c) Imajući u vidu veliki broj nadležnosti Ureda sekretara, bitnim se smatraju kontinuirane obuke unutar Ureda Ustavnopravne komisije, jer je to garancija njenog uspješnog rada.

Sastavni dio Izvještaja je Prilog broj 1. Tabelarni i brojčani prikaz održanih sjednica, razmatranih tačaka dnevnog reda i razmatranih akata.

PREDSJEDAVAJUĆA
USTAVNOPRAVNE KOMISIJE

Marina Pendeš

Prilog broj 1. Tabelarni i brojčani prikaz održanih sjednica, tačaka dnevnog reda i broj razmatranih akata pred Ustavnom pravnom komisijom

Ustavna pravna komisija

Period od 1. 1. 2023. do 31. 12. 2023.

Tabela održanih sjednica i broj tačaka dnevnog reda:

Broj održanih sjednica	11
Broj tačaka dnevnog reda	43

Tabela razmatranih akata pred Ustavnom pravnom komisijom:

Prijedlozi zakona	Izveštaji i informacije o radu institucija BiH	Delegatske inicijative
12	12	2